

濟北晁先生雞肋集

一

濟北晁先生
雞肋集

四部叢刊初編集部

濟北晁先生雞肋集序

雞肋集左朝奉郎秘書省著作郎充秘閣校理國史編脩官濟北晁補之元咎自名其所為詩文也夫物有質者必有文文者質之所以辨也古之立言者當之乎居論說諷詠應物接事不能無言非虎豹犬羊之異也食之則無所得棄之則可惜其雞肋乎故裒而藏之謂之雞肋集元祐九年二月旦日序

濟北晁先生雞肋集總目

卷第一 卷第二

古賦 古賦

卷第三 卷第四

辭 古詩

卷第五 卷第六

古詩 古詩

卷第七 卷第八

古詩 古詩

卷第九 卷第十

古詩 古詩

卷第十一 卷第十二

古詩 古詩

卷第十三 卷第十四

古詩 古詩

卷第十五 卷第十六

律詩 律詩

卷第十七 卷第十八

律詩

律詩

卷第十九

卷第二十

絕句

絕句

卷第二十一

卷第二十二

絕句

絕句

卷第二十三

卷第二十四

挽辭

上書

卷第二十五

卷第二十六

罪言

河議

卷第二十七

卷第二十八

雜著

雜著

卷第二十九

卷第三十

記

記

卷第三十一

卷第三十二

記

銘贊

卷第三十三

卷第三十四

題跋

序

卷第三十五

卷第三十六

序

離騷序

卷第三十七

卷第三十八

策問

策問

卷第三十九

卷第四十

策問

春秋雜論

卷第四十一

卷第四十二

春秋雜論

西漢雜論

卷第四十三

卷第四十四

西漢雜論

西漢雜論

卷第四十五

卷第四十六

唐舊書雜論

唐舊書雜論

卷第四十七

卷第四十八

唐舊書雜論

唐舊書雜論

卷第四十九

卷第五十

唐舊書雜論

五代雜論

卷第五十一

卷第五十二

書

書

卷第五十三

卷第五十四

奏狀

表

卷第五十五

卷第五十六

表

啓

卷第五十七

卷第五十八

啓

啓

卷第五十九

卷第六十

啓

祭文

卷第六十一

卷第六十二

祭文

傳行狀

卷第六十三

卷第六十四

墓表

墓誌銘

卷第六十五

卷第六十六

墓誌銘

墓誌銘

卷第六十七

卷第六十八

墓誌銘

墓誌銘

卷第六十九

卷第七十

釋氏贊疏

釋氏贊疏

濟北晁先生雞肋集總目

終

濟北晁先生雞肋集目錄

第一卷

古賦

求志賦

釋求志附

夢觀賦

坐愁賦

坐進庵賦

濟北晁先生雞肋集目錄

終

濟北晁先生雞肋集卷第一

古賦四首

求志賦

釋求志附



幼余不自知慙兮願求古人而與之游高平邑於
大野兮魯東鄙而北鄒固余心其惘款兮求前聖
又不遠豈無鄰莫可與謀兮冶邠氏而俗泮幽離
房誠不忍兮棄此而莫能歲執徐之青陽兮余先
子乎東征橫武林之大江兮睢始寧之南邑路會
稽以周流兮求歷山之所在管封嶠之世守兮以
後夫而致刑越懲恥於夫椒兮進樵女而抑心懿
二臣以國霸兮卒焉異夫出處行束薪而自言兮
妻不忍而求去助申威於司馬兮卒隕聲以淮南
肝訴死於婆婆兮悲綽約之亦殲彼章陳之詭嘯
兮既聘貽於甲夜何仲御之清激兮而亦云駭夫
觀者紛回穴其莫識兮泮千載而迹陳思苗山猶
若茲兮又何悲乎曲水惟鄭公之志約兮逢神人
焉靡求山岵岵而谷紆兮風瀏瀏乎旦暮耿吾何
不可畱此土兮竊悲越人之禮豈其食鮭而化音

兮無所用吾之緣冬矇矇其多雨兮夏瘴熱以生
蠹溪水之淺深兮舟上下而擊石吾遵夏蓋之山
兮聊以觀乎遠海吾先子之初服兮羌董道而不
改小人之有心兮猶不假器末余從於東安兮依
哲人而聞誼蜀蘇子之有屢兮漢遺化而多儒往
者其不可及兮曷不從子之廬朝余食乎山中夕
余宿乎江上悲世俗之近市兮余安能忍而與之
皆往余令樓季爲右兮使王陽前余世解纜而馳
石兮緬余得此坦塗良善輒使環潯兮密吾牙使
撲屬攬九州而顧懷兮夫安知余力之不足遺余
生之罹閔兮婦將母乎故都伏里門而畏鄰兮幽
獨守此四隅時命大謬兮吾廷廷欲何之慨永夏
之宜養兮霜愛然其萃之增獻欷以啜泣兮殺身
其安可宇摧榮而藩穴兮雀鼠去而不舍惜四序
之不淹兮春藹藹其旣非攬卉木猶若茲兮吾獨
不聊此時悲予仲之婉孌兮饒其心以詩禮吾不
能操贏而坐閭兮耘東山而自食歲旱曠而不雨
兮螟又生余之場屬歲秋之有穀兮河出墳而湯

湯於陵子之終褊兮井上李其猶飽服芬芳而潔
腹兮夫豈不足以忘老衆虎豕而好朝兮咸得時
而的儼持衣裘而鬻暑兮余固知余賈之不售思
遐舉而莫從兮心紆軫而盡傷訊黃石以吉凶兮
基十二而星羅曰由小基大兮何有顛沛旣非初
志之敢期兮曾何以知其所繫賴清濟以去垢兮
芝九莖而爲華宵倚楹而悲詫兮疇獨憂余之無
家蕭苑候之慷慨兮孰云非食之故濟澶淵之靈
津兮橫中流而颺怒思城闕之挑達兮勉踵夫管
之人羿之志於穀兮亦反求夫余身小人不知學
禮兮畏罪罟之所尋宋七世之炳靈兮皇純佑此
下土舉賢而授能兮哀莞獨此黎庶牧羊而肥兮
式亦用夫有聞辟雍之洋洋兮宇千日而糾紛連
衽以成雲兮汗而爲雨豈余不足於同門兮獨惆
悵而延佇先事而後得兮惟其食者之責舉九鼎
於鮑淵兮亦人假夫一臂余張子之好脩兮蹇博
大而無朋雪霏霏而宇凍兮松柏不改其青固黃
子嘗語余兮曰此是爲明月雖工師不以佩兮保

厥美亦未艾彼喔咿爲已甚兮羌浮石而沈木子
雲之好思兮亦衆諄其寂寞虞氏之爲政兮舉五
臣而與言彼霖霖之射谷兮何足以容江潭之鱣
衆不察余之情兮求余初猶未沫超孤舉而遠尋
兮唯夫不足而論世良惘韓而成漢兮皓保惠而
悟高成功則去兮曾何足以介其一毛融躬行旣
卒驕兮禹服義亦太靡陳輜車與蔡馬兮桓榮亦
齒乎富貴蕃居室其不理兮滂之志以四海允膺
之激烈兮羌不以生而昧義意豈弟神所假兮固
何以罹此之不祥豈其莫忍鄰之摔兮紛救關而
得傷嘉林宗之善裁兮要成敗以不失寧遵不知
時之可爲兮行漁瀨以畢世喟嵇康之蹈盡兮愧
孫子其安補阮清舌而咎目兮潛固自識而遠去
謂道不可爲兮爲者敗之衆竄然咸不畱兮惟至
人焉在之泮千祀而語鄰兮孰與至人之服意神
龍之棄雲兮吾欲從焉以足士生各有遇兮吾何
爲侘傺乎此時曾霍菽不足以化兮求余身其庶
幾滋蘭以旨蓄兮菊以爲糗修忠信以抑躁兮夫

安知余時之後圖前聖吾永賴今攬百子與竝輿
時翱翔於道與今歷年歲以爲娛

釋求志

求志自敘也予從先人寓鉅野又從先人仕會稽
又從先人仕杭余仕於澶仕於魏而後仕於大學
故求志所敘如此高平邑於大野謂高平鉅野縣
也魯人好文學而獨邴氏以治富魯人所以去文
學趨利者以邴氏故也是見地理志貨殖傳離房
別房也揚雄云芳酷烈而不聞兮不如麝而幽之
離房武林餘杭也始寧上虞也歷山舜所耕也封
嶠防封氏禹執而戮之者也夫椒吳所棲勾踐之
山而西施蓋樵家女二臣大夫種范蠡信威司馬
者嚴助也曹娥父名盱章陳云者章丹陳珠二女
巫夜祠詭嘯夏統見而驚走者也而仲御亦嘗見
賈充叩舳吳歌致風雲予怪之仲御夏統字也苗
山卽會稽山曲水永和諸君所集處鄭弘遇神人
於若耶溪云願旦南風莫北風夏蓋上虞海旁山
名自此以上上虞事東安杭州新城也予始見晁

山蘇公於杭故云末予從於東安今依哲人而聞
誼樓季古善御者王陽不馳九折坂者也予自謂
至此乃知學之所趨猶出荆棘險阻得大塗而思
驚也環澗樓屬孝工治車說車君子之器車工而
後可以致遠君子修而後可以涉世自此以上新
城事將母故都予喪先人歸濟時也予仲無歎也
東山濟東郭子所田處比二年不雨河決卒不獲
於陵子於陵仲子也虎豕猶參差見甘泉賦趣市
者平旦側肩爭門而入日暮之後掉臂而不顧故
云衆虎豕而好朝謂干時者也世所用卜靈碁者
曰是爲黃石書始予免喪占之繇曰由小至大無
有顛沛予自謂非予志所期也類清濟而以芝爲
華以況余不敢汙以干時倚楹魯漆室女中宵悲
嘯鄰人疑其欲嫁者也蕭望之嘗爲小苑東門候
自謂各從其志予莫之澶淵予爲掾時事挑達予
教授北京時事予去北京爲太學正故曰辟雍之
洋洋鯢桓九淵名舉鼎九淵非一臂力然一臂亦
有助也張子予太學同舍文潛也文潛不苟合於

人黃魯直爲明月篇遺之曰天地具美今生此明月陞白虹兮貫朝日予愛之浮石沈木無是道也而誣善者其言嘗類此大才而小使之譬霰霏非鱸所游也求斯世而莫予知也則患古人焉孟子所謂是以論其世也故曰惟夫不足而論世自憫韓成漢至潛固自識而遠去皆論世之事也馬融張禹驕靡相榮以車馬夸弟子皆不足言陳蕃范滂王允李膺李固以忠殺身亦可傷矣夫惟無心於爲者爲能爲天下張良四皓所以成也知其不可而不爲則若林宗淵明可矣有光武而嚴陵去之非也遵陵也阮籍在晉人中頗能自濁口不臧否人物而爲青白眼殆矣故曰阮清舌而咎目也餘子儉懷小人之中如捧土救河潰卒與之俱溺豈不痛乎故曰爲者敗之懲數子之爲而敗而不知時之可爲又蔽矣而予又不足爲也故終欲求之予身

夢覲賦

歲闕逢之涪灘今前日至而匪患夢啾耳之薨薨

今翁青蠅其犴楫咸南徙而未逝今遺其矢如散絲余僥避而不汙兮一媼背之淋漓脂不知其可穢兮偶竝趨於西帷媼左目之穴枯兮疥四五其萃之旁兩媼之無言兮亦依帷而靡期朝但寤而自診兮營營發詩而可知蹇俱翔而遺矢兮技止此其奚爲惟一盲而兩默兮與目疥爲何職豈眇視不足與明兮疥非奇而終離羌何爲而眈此今神無心而罔私拜受神祥兮編之冊詞文女三之爲姦兮比匪人而惡之微夫周公之爲見兮迂若此其余衰欲微福則安敢兮問故老其增疑苟不污爲已免兮謝三媼之難知

坐愁賦

魯人閔子仲武行年七十四躬耕於鄙歲旱不入而邑藜藿促鼓其琴作坐愁之聲嘗所與游鬼子補之恐其傷也爲作坐愁賦假翁與過者語以解之其詞曰

彼何人而處廓兮匪三閭而獨醒鬢毛毵其雪糅兮眸子瞭其星明塊獨守此中野兮困無禾而饑

清拂素琴之浮埃理坐愁之遺聲忽推几而睨天
送飛鴻之杳冥或過其前曰有心哉然何求管林
類之行歌云既老而無憂翁年運而德加翁何爲
乎坐愁翁偶顧而若聞猶援琴而不捨曰子非魯
之儒服者耶何以不知漆室女者晝輟絃而淫思
宵倚楹而悲咤彼淺哉其量人匪魯憂而欲嫁豈
不誤耶吾亦傷夫魯之君子皆在厄而不糝賜自
殖而何誅顧棄軒而中紺羌同道而恥茲廼長饑
乎回憲彼林類其何人雖信賢而獨善或者曰未
既也請言翁之近者管蘇門之遯民緇枯桐之一
絃匪無絃之寂默異五絃之啾誼對阮子惟長嘯
爲嵇生纔一言人欲怒之戲排諸淵勃率而出則
又粲然彼何知夫坐愁幾蹉蹉乎樂天矣然聖人
猶以謂樂天有憂之大者也况憂人之憂豈有既
哉於是翁泛然可油然謝曰憂樂外矣吾當虛之

坐進庵賦

有物于此無梁無柱圓廣六尺非国非窳粟米之
宅上蒙臺枯下履甌甌塗墁晦外中腹純白平時

鼠竄俯仰不迫主人懽學敢謁之客客曰此夫外
丘阜而內穴谷者歟上荷笠而下湊輻者歟首枝
撐而身純束者歟有登降而無詐實者歟混沌既
死竅鑿乃張牖則有目戶則有吭檜巢營窟太古
所藏周旋無間病於德方邑都莫賢原野則良者
歟雖然可以五人羣居宇宙有餘不可以八口次
且孰知婦姑彊名坐進其實中虛聞諸博識是謂
屠麻

濟北晁先生雞肋集卷第一

濟北晁先生雞肋集目錄

第二卷

古賦

北渚亭賦

是是堂賦

北京官舍後梨花賦

後招魂賦

披榛亭賦

濟北晁先生雞肋集目錄終

濟北晁先生雞肋集卷第二

古賦五首

北渚亭賦

北渚亭熙寧五年集賢校理南豐曾侯鞏守齊之所作也蓋取杜甫宴歷下亭詩以名之所謂東藩駐阜蓋北渚凌清河者也風雨廢久州人思侯猶能道之後二十一年而祕閣校理南陽晁補之來承守乏侯於補之丈人行辱出其後訪其遺文故事廬有存者而圃多大木歷下亭又其最高處也舉首南望不知其有山嘗登所謂北渚之址則羣峰屹然列於林上城郭井閭皆在其下陂湖迤邐川原極望因太息語客想見侯經始之意曠然可喜非特登東山小魯而已迺撤池南葦間壞亭徙而復之或請記其事補之曰賦可也作北渚亭賦其詞曰

登爽丘之故墟兮睠岱宗之獨立根旁礴而維坤兮支扶疎而走隰貽琅邪與鉅野兮梁清濟而北出前炭漫而將屯兮後摧隤其相襲坯者屨者嶧

者岫者磬者礲者障魯屏齊曰惟歷山或肺附之
箕拱環連勢厓絕而脈泄今萬源發於其間谷射
沙出浸淫漶灑潄汨泌澎湃潄滴忽瀟起而成
川經營一國其利汾澮防爲井沼壅爲碓磴得平
而肆迺混漾而滂沛經民間而貫府舍今渚爲池
之千畝惟守之居面巖背阻邈閨闈之遺址今肇
嘉名乎北渚悲經始之幾何今牛羊牧而宇顛非
境勝之爲難今善擇勝之爲難嘗試觀夫其園千
章之荻合抱之楊立而成阡躋歷下之岩崑望南
山之屏顏脩幹大枝出欄造天藐祖岫之蔽虧乍
髣髴其雲煙思僊人之樓居尙輕舉而高飈盍駕
言其北游登斯渚而盤桓岡巒忽其翔舞荻楊眇
以如箸撫千里於一眸收城郭乎環堵其下坡湖
汗漫葭蘆無畔菱荷荇藻蘅荃杜蘅衆物居之浩
若煙海歲秋八月草木始衰乃命督署觀漁其隄
鳴榔四合方舟順涯鱗鯉窘乎溪塘今鴻雁起於
中泚復有桂舫蘭櫓浮游其中榜歌流唱自西徂
東纖餌投喂微鱗掛空客顧而嬉傾盃倒鍾明月

出於缺嶺夕陽眇其微紅天耿耿而益高夜寥寥
其方中駭河漢之衝波披海岱之冷風恐此樂之
難畱今願蔡槎乎星渚期韓終與偓佺兮采芝英
乎瑤圃庶忘老而遺死今路漫漫其脩阻於是酒
含太息中座語客曰自晉太公奄有此丘是征五
侯桓公用之攘狄尊周方其盛時山河十二號稱
東秦臨菑邀樂中具五民秋田青丘實圃海濱而
薛又其小邑也區區之賦食三千人其彊孰與比
哉觀華不注竭其孤嶽虎牙桀立芙蓉菡萏尙想
三周追奔執轡下車取飲僅以身免困責質於蕭
同尙何私乎紀胤而齊自是亦不競矣夸奪勢窮
雖彊安在事以日遷而山不改則物之可樂固不
可得而畱也認而有之來不可持所玩無故去何
必悲此齊侯之所雪涕而晏子之所竊嗤也今我
與客論古人則知迷屬有感而歎歎豈不重感也
哉仕如行賈孰非逆旅託生理於四方固朝秦而
暮楚曾無必於一笑尙何知乎千古於是客輟然
喜再拜舉觴而前曰凡主人言理實易求而我曠

然已忘管憂使客常滿使酒不空請壽主人如漢
孔公主人亦輒然喜受飲反觴執客之手而言曰
詩固有之未見君子憂心忡忡旣見君子云乎不
樂再拜洗觴而酬客含然大笑

是是堂賦

是是堂彭城劉子義仲之所作也劉子讀古人書
則曰文王我師也周公豈欺我哉處今行已則欲
就有道而正焉抑荀子所謂是是非非謂之智者
以名其堂而居之而南陽晁子補之聞而疑之曰
劉子果於自信果於不信人也哉夫理無常是事
無常非使天下舉以爲非而劉子獨曰是將誰使
取正使天下舉以爲是而劉子獨非之安得力而
勝諸嘗與劉子問津於無可無不可之塗而弭節
乎兩忘之圃夫安知吾是之所在故賦其名而連
牴其義則操吾戈以伐我者遠矣其詞曰
隘區中之無覩兮邈荒忽以遠求軼太始以爲元
今日與月之幾周本復鼎之推筴兮四千歲其已
多謂過此或不遠兮世倏眴而謂何紛蛇身與牛

首兮詭變化之莫原神與民其雜糅兮或傳之於
余先川東南而辰西北兮余不知其何故惛絕維
與折柱兮又孔氏所不語莽湯革之相質兮賊一
世以共疑一身吾不自識兮疇莫覲而能知邇吾
輒乎八埏兮旋吾舳乎四海斯不死之遺氓兮稽
吾聞之所在曰七聖至此而競迷兮羌誰使之正
女媧輕舉而遠游兮吾將從巫咸之所處離屯雲
以衛屬兮前犇霆使抗旌王良御以踰躔兮何鼓
隱其砢磷涉橫潢而濯淹兮借斗車而轟轟九虬
蛻以承綏兮六鳳翼而續紛載格澤而雉厲兮歟
若撤振捐旬始而遺撓搶藐無朋吾孤往兮騰光
景之所經俯六合以周流兮觀一氣之所營叩滴
漣之何居兮問黔羸所休屯芒東西之無軌兮沕
晝夜之無門追汗漫而與言兮若不見而不聞將
下車而從之兮則竦身而遐征忽寐寤而莫質兮
形欺魄而獨存神黜晦而載浮兮滄淫夷而雷櫟
聞佺僑之達者兮將與議夫本根斲乎保已而不
失兮何足與論此之至神鵬南徙而終息兮彼安

知夫天地譬井蛙之跳踰兮吾亦安知其孰智謂
道非物之外兮盍反求諸世間泮得失之兩塗兮
一智者之足明世溷濁而智鮮兮薪得鹿而國爭
曰吾不知孰是兮據有鹿而偶分待黃帝以占夢
兮曠百世而莫尋雖人跡之所至今如窮北之衣
皮聞中國之有蟲兮咀葉飽而吐絲化草木之所
染兮煥五色而陸離所不睨而懔懔兮咸莫信而
我非饗香以爲朽兮視素以爲黑有迷疾而慮易
兮意是者之反疾衆謂西施美兮何高舉而湮潛
魚熊掌以爲羞兮帶螭蛆之所甘物各驚其所知
兮孰爲是而正女蹇多知而博辯兮盍質諸魯之
君子曰經禮三百兮曲禮三千非堯舜禹湯之適
兮爲他道而勿傳守株以待兔兮卒不可得從女
以決疑兮而增余之惑規吾觚以轉圜兮如二兒
之干國權謀旣不用兮仁義又見賊哀失時而齟
齬兮改此度誠不能陳瓊茅以潔中兮懇神龜以
吉占朝從而莫違兮吾安所行女意王倪躡循乎
不知兮齧缺昧膏於同是違一世何不可兮山澤

又多龍蛇漠林杳以無人兮雨雪零其來加前夔
魑後虎豹兮獨拂笑而施施石嶙嶙嶢嶢以增波
兮路阻難以委移結幽蘭以獨立兮歲將算而增
唏懷同心之離居兮悵猶豫而狐疑必處廓若此
而後可兮雖濟百世何足以嬉譬鄙夫之硜硜兮
經溝瀆其誰與懷古人之兼善兮吾不忍抱吾之
所獨五官異用兮物各派吾之一以聞聞性兮一
非有異回車易野兮絕道九州吾旣不從夫斯人
兮盍反吾之初修闔萬宇以聚閭兮載百族與並
游人羣固有倫兮生固有涯蠶桑而被兮粟以禦
飢吾何以異於人兮曾踉跂而支離伯夷死名兮
盜跖死利溺者入水兮拯者亦用以顛沛曾稽失
之未暇兮羊固已遠去而千里重曰道無封不可
畔兮雖千歲由今日忘彼與是兮吾何愛嫉棄虛
無以爲與兮託不得已以爲鄰忘處石而出火兮
超同物而獨生

北京官舍後梨花賦

梨於經無記而舍後梨人所不賞故賦之其詞曰

攬繁草木本原所起李梅紀於隕霜兮橘柚隨乎
織筐木瓜足贈而詠詩含桃可羞而記禮雖信微
而有託兮亦不委夫厥美惟茲梨之俊茂兮羌獨
遠而未揚含溫潤之秀質兮皎若和璧榮其光澹
暗慙其無偶兮歷年歲之已長算春者陽瘴憤盈
羣木解膚似夸者似鬪者似輒者似顛者邑非一
邑同嫵殊嫵茲梨娟然獨見其素繁過時兮不省
滋脈脈兮後戶亦何必耀榮華兮朝日顧猶私兮
法露然而中唐之樗枝大扶疎以其近人人以繫
駒則磨則齧則折則泄孰與夫朽壤幽薄厥植雖
弱屢屐不蹈根乃磅礴

後招魂賦

屈原作大招魂宋玉作招魂夫士以忠放濱於死
故招其魂而復之予交之長者王安仁賢且孝適
未仕病以天子傷焉不敢以非吾上也借不知命
之辭以愬于帝作後招魂

竊悲夫天何爲生此碩人兮蹇幼清而宜脩旣服
義以時可兮又何爲委厥美而改求天固復諸其

初兮則如勿俾此昭質帝命巫陽曰有愬于下汝
往聽之精神將離筮而復之巫陽曰物死與生司
命有職自廢自起朕何能識帝彊之乃下招曰魂
兮歸來去君七尺之軀胡爲乎大陰些舍君之靈
龜而糟苧沈些人固懷慈而抱愛兮一言欲訣而
怛怛些君胡樂誘於異物兮從之蹊跂而遠行些
魂兮歸來上天不可以游些有神當關其視畏人
些其下百鬼伺人往來執而殺之些徜徉無所倚
歎息不可些幸而得還無所求階些歸來歸來不
可以久放些魂兮歸來地下不可伏些土怪墳羊
狠戾突觸些蛇身鬼首蓬髮髻鬋當前搖毒些九
幽之府惡厲牛首得人以械獄些歸來歸來不可
以久屈些魂兮歸來無止乎山中些山木蕭蕭後
狔所居些藜藿柱逕泉祥龜怪杜鵑號呼些夔魍
罔兩笑風涕雨見人擲揄些虓虎封狼磨牙吮血
僂僂穴居些魂往顛隲狂惑失塗些歸來歸來久
幽恐不得出些魂兮歸來君無下海些大海盪漚
日月回周些白波連天五山狂浮些巨神操蛇唯

魂是因些淫氛瀰霧八方錯易魂往安投些百怪
謹舞羣出類沒更遨迭遊些霹靂掣電蛟龍直起
江潮逆流些有鳥九首載鬼盈車擢筋以縻其軛
些歸來歸來久淫恐不得還些魂兮歸來君無樂
今八蠻九夷些遐方異類其人似禽些烈陽慘陰
韞褱裸裎涼溫不時些蔽林夜祠被髮徒跣妖魅
叢嬉些魂往非族抵冒凌欺些歸來歸來恐自遺
羞些魂兮歸來君無以憫軀爲南面之樂些毛枯
骨化精離識落些螻蟻所寄鳥鳶所搏些蚊蚋姑
嘅狐狸齧嚼些髡然七孔撻擲疇覺些棘薪葛蔓
交錯綿絡些鋤耰野火侵凌甚虐些歸來歸來無
自遺賊些魂兮歸來八紘六合無一可以翺翔些
魂孤迢迢消耗淪亡些歸來歸來反故鄉些工祝
前君無迷方些崇城兩溝夾高楊些車軫馬駢交
康莊些日中爲市集工商些高門懸箔襲慶祥些
選閱甘旨薦北堂些金昆玉季美雁行些斑衣竹
馬兒嬉傍些曲欄橫牖窈洞房些長蛾曼綠含若
芳些齊紈阿錫曳明璫些瑟鼓簫封豕羊些食

前方丈醺椒漿些嘉賓雜坐紛賢良些朱顏欣欣
君樂康些魂兮歸來反故鄉些亂曰龍火頽坤今
虛正宵萬物酋勅今傷秋郊汨君徂征兮默誰曹
天地爲鑪今物流以銷一受成形今巧專莫逃斯
彌頤輅今一體所交鼠肝蟲臂兮忽何遭魂知復
吉兮改而起與君除祓兮三下招張君之衣兮升
屋號魂兮歸來居匪遙無哀我心使予勞

披榛亭賦

舒陳儀甫官於魏覽觀公圃廢城之堞墜其土作
亭堞上名曰披榛斬木枝爲梁柱菅蒯衣之目踰
四垣矚五里外進客而語曰樂哉此亭客曰微主
人言之固願有謁也今夫山居者遺世遠舉煙霞
之府屢屨之顛翠微之顏穹石曲塢上正宛中如
堂如防猱攫之所處首更奔星高出雲霧足蹈太
虛下見雷雨邈乎杳冥一攬九土此人以登邑門
之垤蹤步齟齬若絆若禦若見陸櫓遊意無所至
於平原案衍秣麥之土漫漫漠漠茂有堆阜下澤
之車短轂愼爾晝日旁午出汗霑滑此人適逢沙

丘宿莽廣不蔭路怠而願息解轡弛負相攜僂僂
忽如飛翔延頸顧慕矣若廼平時室處矇矓環堵
窮年不出四壁爲伍周以闔閭域以牖戶如彼井
谷潛逃之鮒衡從北南適在跬步仰而視之不識
天宇此人出城而望見桑麻綠野猶將樂之况乃
蠱乎巍巍據城之睥出屋之危前無蔽虧俯首而
窺哉夫明不求晦處內慕外各以其不足所遇生
貴雍門之技悲者驚心鍾儀見縶尚猶南音主人
殆倦遊窮居者耶不然何以趨然於此而志意洋
溢也嘗與主人周覽五嶽岱嵩衡霍巫廬九疑白
鹽赤甲青城峩嶻崿崑崙崑崙攀援桂枝結軌羨門
高谿方駕赤須安期委區中之跼躄遊太上之無
涯則主人樂此耶嘗又與主人服纖離騶騶耳夸
父前棄魯陽奉轡超人跡馳萬里以觀乎八紘九
野觚竹北戶與西王母日下之地扶桑月窟紫淵
丹水大章所步虛敖所履殊方怪物齊諧之志焜
煌譎詭經目而記則主人樂此耶嘗又與主人觀
乎京洛神州宋魏兩都未央建章天子之居前殿

武庫金闕玉除東華耀靈西華望舒複道氤氲飛
閣渠渠千官鏘鏘劒佩以趨朝會而出冠蓋布途
富貴潤奴隸衣食仁里閭則主人樂此耶嘗又與
主人技術孫吳抗技頗牧左象弭右魚服韓厥中
御州綽爲右馮軾而寓目以觀三軍之斬伐擊刺
琅琅磕磕風起雲會北登燕然躡轡長塞西屠石
堡飲馬瀚海麒麟圖形贖死胄代則主人樂此耶
嘗又與主人出咸陽經上蔡過邯鄲桑中大隄石
城之間士女巫會倡樂止客盃酒相索吹竽鼓瑟
鳴箏擊筑六博蹋鞠宛珠之簪傳璣之珥羅裾從
風衆曲入耳人生得意亦何能已則主人樂此耶
主人油然而笑曰人壽幾何而時易失細猶不果
巨安可必溪山大澤實生龍蛇高明之家鬼瞰其
室吾非以狹驕廣以儉笑侈也狹易治儉易供此
吾所以樂也窮秋九月狐狸出穴宇宙隆冽時亦
登吾亭而支頤藜棘之分披朱實之離離秋風鳴
枝久而不去羣竅盡奏若歌若歎起左作右時亦
杖藜隱几而聽之寂寥兮無爲淡乎熙熙似遠已